

Sarkina Bt Mat Saad @ Shaari

From: Unit Komunikasi Korporat
Sent: Monday, November 26, 2018 10:26 AM
To: UUM - All Staff; UUM - All Students
Subject: Dunia ICT Akan Terus Berkembang Dan Tidak Akan Berakhir



Unit Komunikasi Korporat
CORPORATE COMMUNICATION UNIT
Universiti Utara Malaysia

26 NOVEMBER 2018 / 18 RABIULAWAL 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar okeh: Muhammad Shamsul Shafie

DUNIA ICT AKAN TERUS BERKEMBANG DAN TIDAK AKAN BERAKHIR



UUM ONLINE: Berpengalaman menerajui Suruhanjaya Komunikasi dan Multimedia (SKMM) dan Telekom Malaysia Berhad (TM), Prof. Tan Sri Dr. Halim Shafie telah berkongsi ilmu dan pengalaman beliau tentang dunia teknologi maklumat dan komunikasi (ICT) menerusi Syarahan Profesor Adjung Pusat Pengajian Pengkomputeran (SOC) bertajuk *ICT - A Personal Journey* di Auditorium UUM CAS, semalam.

Dalam sesi selama lebih satu jam itu, beliau menerangkan tentang transformasi teknologi maklumat dan komunikasi (ICT) dari tahun 1985 hingga 2018 yang mengalami perkembangan pesat mengikut peredaran zaman.

Prof. Tan Sri Dr. Halim telah menjelaskan perkembangan teknologi mulai tahun 1985 hingga kini mengikut jenis skrin/peranti, rangkaian/pengkomputeran dan kandungan/aplikasi bermula dari era penggunaan komputer model SANYO MBC 555 hingga ke penggunaan telefon pintar seperti model Samsung, Huawei dan Apple.


Pada sesi tersebut, beliau menerangkan juga tentang Pusat Internet Komuniti Dashboard (Dashboard Pi) yang merupakan satu aplikasi khas yang dibina untuk kegunaan komuniti setempat di sekitar Pusat Internet (Pi).

Katanya, terdapat aplikasi dalam Dashboard Pi seperti MyHealth, MyShop dan S.A.I.F.O.N (Keselamatan dan Persekitaran).

"Dashboard Pi ini menyediakan pengisian kandungan maklumat dan memberi kebaikan kepada komuniti seperti menjadi tempat proses jual beli barangan secara atas talian dan menyediakan tempat pemeriksaan tahap kesihatan komuniti setempat.

"Kini, dunia teknologi akan terus berkembang sehingga ke generasi ketujuh yang akan menggunakan LiFi (*Light Fidelity*), malah media baharu dan analisis akan terus berkembang dan menjadi kitaran yang tidak akan berakhir," katanya.

Tambah beliau, perkembangan ICT itu juga akan meninggalkan implikasi kepada organisasi dan kerajaan dari aspek integriti dan akauntabiliti, keperluan penglibatan dengan pelanggan dan dan warganegara serta keperluan dalam pembelajaran individu dan organisasi.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.